

toki a ! mi jan Newen ·

mi pali e lipu ni kepeken sitelen Lasina tan ni : mi wile pana e sona pi kepeken penpo tawa jan mute ·


mun Masi

toki ni li tan [lipu Wikipesija](#)


suno mi la, mun Masi (toki Inli : “Mars”) li mun nanpa tu tu lon weka suno Sola · ona li lili nanpa tu · mun Masi la mun Mekuliju taso li lili · ma Tela la, ona li lili · ma pi mun Masi li jo e kiwen mute · ona li lete li jo e kon lili · ona li loje lukin la, nimi ante ona li “mun loje” · telo li lon ala ma Masi · taso, kiwen telo lete li lon · ona li jo e nena ma suli · nena ma Olinpu Mon li nena ma nanpa wan lon ma Masi lon kulupu mun suno · nimi pi mun Masi li sama e jan sewi tan nasin sewi Loma · jan sewi ni li jan sewi utala ·

jan li tawa mun Masi ala · taso, ilo mun mute li tawa mun Masi · ma Mewika en ma Elopa en ma Losi en ma Nijon en ma Imalasi en ma Sonko li tawa e ilo tawa mun Masi · ilo li awen lon selo · ilo ante li ken tawa lon selo · ilo Insanjuwisi (toki Inli : “Ingenuity”) li ken tawa lon kon · ilo ante li tawa sike e mun Masi li pali e sitelen pi selo ona ·

mun lili tu li sike e mun Masi · nimi ona li mun Popo li mun Temo · ona li kiwen li sike lukin ala ·



sitelen pi mun Masi



sitelen pi mun Popo en mun Temo